

山谷全集

冊三

山谷全集

山谷詩集注卷第十四

走筆謝王朴居士拄杖

投我木瓜霜雪枝六年流落放歸時千巖萬壑須

重到脚底危時幸見持

詩曰投我以木瓜晉書顧愷之傳曰千巖競秀萬壑爭流魯論曰危

而不持顛而不扶則將焉用彼相矣退之赤藤杖歌曰性命造次蒙扶持老杜詩氣味濃香幸見分○陶隱居云俗人拄木瓜杖云

利筋脛

戲答王居士送文石

南極一星天九秋自埋光景落江流是公至樂山

中物乞與衰翁似暗投

老杜詩南極一星朝北斗按晉書天文志曰老人一星在弧南一曰

南極常以秋分之日見于景春分之夕而沒于丁此借用以言星隕爲石也文選謝靈運詩心契九秋幹李善注引古樂府有歷九秋妾薄相行莊子曰是自埋於民謝靈運詩日月垂光景至樂山在嘉州凌雲之側暗投見上注○柳子厚詩看成古木對衰翁

次韻楊明叔見錢十首

楊明叔從子學問甚有成當路無知音求爲鱸

州從事而不能得子蒙恩東歸用蛟龍得雲雨鵬鸞在秋天作十詩見錢因用其韻以別○山谷辭免吏

部員外郎狀云元符三年十二月發戎州貶所建中靖國元年二月至峽又改知舒州四月至荆南又召

以為吏部員外郎此詩未出蜀所作已有同安守吏部銓之語當是據郎報也山谷將發戎州時十二月

癸卯有書梁甫吟跋語亦云時聞復朝奉郎知舒州而未被受

平津善牧豕飲飛能斬蛟

漢書公孫弘家貧牧豕海上年四十餘乃學春秋雜說武帝以

賢良徵後封平津侯宣帝紀發飲飛射士注引呂氏春秋曰荆有飲飛者得寶劍還涉江蛟夾繞其舡飲飛拔劍赴江斬蛟殺之荆

王聞之仕以執珪武帝改秦左弋官曰飲飛官蓋取古勇力人以名官也

終藉一汲黯淮南解

兵交

平津之鄙飲飛之勇皆無益於漢家所可賴者汲黯輩爾漢書汲黯傳淮南王謀反憚黯曰黯好直諫守節死義至

說公孫弘等如發蒙耳左傳注曰兵交使在其間

楊子有直氣未忍死草茅

退之送張

道士詩曰臣有膽與氣不忍死茅茨漢書晁錯傳曰昧死上狂惑草茅之愚臣言云云

引之入漢朝誰

為續弦膠

東方朔十洲記曰鳳麟洲仙家煮鳳喙及麟角合煎作膠名之為續弦膠或一名連金泥此膠屬弓弩已

斷之弦連刀劍斷折之金山谷引用謂疎遠之於朝廷其合甚難必有為之固結於其間者

楊君清渭水自流濁涇中

涇渭見上注

今年貧到骨豪

氣似元龍

老杜詩已訴徵求貧到骨元龍見上注

男兒生世間筆端吐白

虹

言文章有光焰也鮑照行路難曰丈夫生世能幾時退之詩是夕吐焰如長虹禮記曰君子於玉比德焉氣如白虹天也

何事與秋螢爭光蒲葦叢

維摩經曰無以日光等彼螢火史記屈原傳曰雖與日月爭光

也可

事隨世滔滔心欲自得得

魯論曰滔滔者天下皆是也注云滔滔周流之兒孟子曰君子

深造之以道欲其自得之也莊子曰吾所謂聰者非謂其聞彼也自聞而已矣吾所謂明者非謂其見彼也自見而已矣夫不自見而見彼不自得而得彼者是得人之得而不自得其得者也楊君爲己學度越流輩百

魯論曰古之學者爲己退之與崔羣書曰况足下度越此等百千輩按漢書楊雄傳曰必度越諸子矣老杜詩滑峻流輩百坐

捫故衣蝨垢襪春汗黑

晉書前秦載記王猛詣桓溫面談當世之事捫蝨而言旁若無人老

杜詩垢膩脚不襪撫言高逢休書云顧雲樹將一尺三寸汗脚踏他燒殘龍尾道嘗聞長老云山谷此句蓋幾明叔垢汗不濯足

睥睨紈袴兒可飲三斗墨

漢書灌夫傳注曰睥睨旁視也班固叙傳曰班伯在於綺襦紈

袴之間非其好也通典曰北齊策秀才書有濫劣者飲墨水一升此云三斗蓋其言之猶唐史謂寧食三斗葱寧食三斗艾爾老杜

詩紈袴不餓死

清靜草玄學西京有子雲

漢書楊雄傳解嘲曰爰清爰靜游神之廷惟寂惟冥守德之宅

草玄見上注太尉死宗社大鳥泣其墳後漢楊震傳為樊豐等所譖策收震太尉印綬

遣歸本郡行至城西慷慨謂諸子曰疾姦臣狡猾而不能誅惡嬖女傾亂而不能禁何面目復見日月遂飲酖而卒先葬十餘日有

大鳥高丈餘集震喪前俯仰悲鳴淚下霑地葬畢乃飛去寂寞向千載風流被仍昆爾雅

曰來孫之子為曩孫富貴何足道聖處要策勳退之詩屈

曩孫之子為仍孫十五不肯鋪啜糟與醢惜哉此子巧言語不到聖處寧非癡左傳

曰反行飲至舍爵策勳焉禮也注云書勳勞於冊言速紀有功也

桑輿金石交既別十日雨子輿裹飯來一笑相告語之門則若歌若哭子輿入曰子之歌詩何故若是曰吾思夫使

我至此極者而弗得也漢書韓信傳武涉曰足下自以為與漢王為金石交注云取其堅固楊子困簞瓢

諸公不能舉筆瓢見魯論又臧文仲知柳下惠之賢而不與立注謂知賢而不能舉按孟子曰悅賢不能舉

儻可從我歸沙頭駐鳴觴用乘桴之意明叔家真本作沙頭其家云山谷元約明叔同住

荆南之沙頭故云爾今本作江頭非是韻書云觴所以進舟也

山圍少天日狐鬼能作妖睽閃載一車獵人用鳴

梟劉禹錫詩山圍故國周遭在杜牧阿房宮賦覆壓三百餘里隔離天日說文曰狐妖獸鬼所乘退之詩狐鳴梟噪爭署置眺良

睽閃相嫵媚易睽卦曰見豕負塗載鬼一車梟亦妖鳥獵狐者當用鷹隼今乃用梟以言小智淺陋

俗蹇淺不能超莊子曰大智閑閑小智間間賈誼曰小智自私賤彼貴我孟子曰同乎流俗合乎汚世莊小智窘流

子又曰弊精神於蹇淺世說注曰時謂王戎未能超俗也安得萬里沙晴天看射鵬史記

漢武帝紀乃禱萬里沙注曰沙徑三百餘里漢書李廣傳曰見匈奴三人與戰廣曰是必射鵬也注云鵬大鷲鳥故善射者射之又

北史斛律光傳邢子高曰此射鵬手也此借用以言所見廣遠

元之如砥柱大年若霜鶚王禹偁字元之見上注楊億字大年建安人年十一舉神童事

真宗為內翰立朝蹇諤劉禹錫詩世道劇頽波我心如砥柱山谷為楊明叔書魏鄭公砥柱銘嘗引此語又有一跋遺王觀復曰余

觀砥柱之屹中流閱頽波之東注有似乎君子士大夫立於世道之風波可以託六尺之孤寄百里之命不以千乘之利奪其大節

則可以不為此石羞矣按書禹貢注曰砥柱山名河水分流包山而過山見水中若柱然後漢孔融薦禰衡曰鷲鳥累百不如一鶚

使衡立朝必有可觀其語本出於史記趙簡子朝野僉載蘇味道高爽張元一曰蘇如九月得霜鷹王楊立本

朝與世作郭郭孟子曰立乎人之本朝法言曰虐政虐世然後知聖人之為郭郭此借用言其忠義為世

大閑隱然如城郭也觀公有膽氣自可繼前作退之送張道士詩曰臣有膽與氣又云自

笑平生誇膽氣丈夫存遠大曾次要落落左傳曰君子務知遠者大者莊子曰喜怒哀樂

山谷詩集注卷十四三中華書局聚

不入於胃次後漢耿弇傳
注曰落落猶疏闊者也

虛心觀萬物險易極變態非篤實之士鮮不以夷險而易操虛心者觀之真偽了然老子

曰虛其心實其腹又曰萬物並作吾以觀其復繫辭曰卦有大小辭有險易變態見上注皮毛剝落盡惟

有真實在馬祖問藥山子近日見處作麼生藥云皮膚脫落盡唯有一真實按涅槃經云如大村外有娑羅林中有

一樹先林而生足一百年是時林主灌之以水隨時修治其樹陳朽皮膚枯葉悉皆脫落唯真實在山谷與王子飛書亦云老來枝

葉皮膚枯朽剝落惟有心如鐵石益厭俗文密而意疎也侍中乃珥貂御史則冠豸應

漢官儀侍中冠武弁大冠加金璫附蟬為文貂尾為飾謂之貂蟬選詩云七葉珥漢貂胡廣漢官儀云御史四人持書皆法冠一名

柱後一名照影或可羞短蓑釣寒瀨不稱其服則顧影自羞寧蓑笠而無愧也

退之詩峨峨進賢冠耿耿水蒼佩服章豈不好不與德相對顧影聽其聲頽顏汗漸背太白詩三事或可羞匈奴哂千秋嚴陵瀨見

注上

松柏生澗壑坐閱草木秋選詩曰鬱鬱澗底松禮記季秋之月草木黃落金石

在波中仰看萬物流金石見上注抗髒自抗髒伊優自

伊優後漢趙壹歌曰伊優北堂上抗髒倚門邊注云伊優屈曲佞媚之兒抗髒高亢婢直之兒言佞媚者見親好直者見

弃但觀百歲後傳者非公侯夷齊景公是也

老作同安守蹇足信所便同安郡即舒州山谷以足病故便於外郡有辭免吏部員外郎

狀曰重以累年脚疾拜起艱難全不堪事文選謝宣遠詩四達雖平直蹇步愧無良李善注引左傳曰孟縶之足不良能行又謝靈

運詩曰拙疾相倚薄還得靜者便老杜詩遭亂到蜀江臥病遣所便晉中無水鏡敢當吏部

銓東坡詩道人晉中水鏡清按蜀志龐統傳注司馬德操為水鏡晉書樂廣傳衛瓘曰此人之水鏡也見之瑩然唐書百官志曰

吏部尚書以三銓之法官天下之材時山谷以疾辭吏部郎之召恨此虛名在未脫世糾

纏文選古詩曰虛名復何益賈誼服賦曰禍之與福何異糾纏注云如糾絞繩索相附會也纏索也音墨此云糾纏特用其意耳

夢作白鷗去江南水如天莊子曰且汝夢為鳥而厲乎天夢為魚而沒於淵南史梁忠烈

世子方等傳嘗著論曰吾嘗夢為魚因化為鳥方其夢也何樂如之及其覺也何憂如類柳子厚詩洞庭春盡水如天山山谷舊有和

謝師厚詩云夢作白鷗去江南水黏天○又作演雅云江南春盡水如天中有白鷗閑似我亦此意也

次韻石七三六言七首

從來不似一物妄欲貫穿九流傳燈錄南嶽懷禪師傳六祖曰什麼物恁麼來

師曰說似一物即不中後漢班彪傳曰司馬遷貫穿經傳至廣博也班固傳曰博貫載籍九流百家之言無不窮究漢書藝文志曰

山谷詩集注卷十四四中華書局聚

諸子十家其可觀者九家而已蓋不數小說家也謂儒道陰陽法名墨縱橫雜農凡九家穀梁序曰九流分而微言隱 **骨**

鯁非黃閣相眼青見白蘋洲 骨鯁謂如虞翻骨體不媚也退之詩豈是虞翻骨相

屯王介甫松詩天骨老硬無皮膚衛宏漢儀丞相聽事閤曰黃閣柳渾詩汀洲採白蘋日落江南春○柳子厚寄盧衡州詩非是白

蘋洲畔客還將遠意問瀟湘

生涯一九節筇老境五十六翁不堪上補黼黻但

可歸教兒童 真誥曰楊羲夢蓬萊仙人拄赤九節杖而視白龍元符三年山谷年五十六王羲之傳猶欲教

子孫以敦厚退讓

萬里草荒先壟六年蟲蠹羣經 柳子厚謫永州與許孟容書曰先墓在城南無

異子弟為土懼便毀傷松柏芻牧不禁以成大戾家有賜書三千卷尚在善和里舊宅宅今已三易主存亡不可知者 **老**

喜寬恩放去心似驚波不停 言歸心如流也西京賦曰散似驚波劉禹錫詩流水

淘沙不暫停前波未滅後波生

為君試講古學此事可賤天公君看花梢朝露何

如松上霜風 魯論曰學之不講是吾憂也又曰古之學者為己蘇子美愛愛歌曰此樂亦可賤天公賤天公

見上注謂可質諸天下兩句言古學之有根本如經霜之松與浥露之花固自不同也謝靈運詩花上露猶法

幽州已投斧柯崇山更用憂何

言大姦已誅餘黨不足憂時宰相章惇安置潭

州書曰流共工于幽州放驩兜于崇山又曰何憂乎驩兜按後漢馮勤傳帝賜侯霸璽書曰崇山幽都何可偶黃鉞一下無處所注

云鉞斧也所以戮人魏都賦曰蕭斧戢柯以柙刃蓋言不用也且喜龔鄒冠豸又聞張董

上坡

按舊錄元符三年三月龔夫為殿中侍御史鄒浩為右正言四月張舜民為右諫議大夫董敦逸為左諫議大夫

字彥和浩字志完舜民字耆叟皆著直聲冠豸見前注李宗諤先公談錄云唐諫議大夫班在給舍上一遷為給事再遷為中書舍人有自他官為諫議者班給舍上故班中戲語曰饒他上坡却須下坡言遷給舍班復在下也

看着莊周枯槁化為胡蝶翾輕人見穿花入柳誰

知有體無情

此篇山谷自道老杜詩穿花蛺蝶深深見韻書云翾翾小飛也荀子曰喜則輕而翾莊子曰有

人之形無人之情有人之形故羣於人無人之情故是非不得於身

欲行水遶山圍但聞鯤化鵬飛

上句言未即出蜀下句言遷除者衆子孟郊詩山

水千萬遶中有君子行劉禹錫詩山圍故國周遭在

女憂鬢髮盡白兄歎江舩未

歸

山谷女嫁李德素之子去華文伯時在淮南舒州兄謂元明退之書曰兩鬢半白頭髮五分亦白其一老杜詩獨立見江舩

萬州太守高仲本宿約游岑公洞而夜雨

連明戲作二首

肩輿欲到岑公洞正怯衝泥傍險行

老杜詩虛疑皓首衝泥怯

定

是岑公閱清境春江一夜雨連明

柳子厚石潭記曰以其境過清不可久居

乃記之而去劉禹錫含輝洞述曰先是斯境翳于榛薄閱其清光有待而發

蓬窻高臥雨如繩恰似糟牀壓酒聲

老杜詩賴知禾黍收已覺糟牀

注

今日岑公不能飲吾儕聞健且頻傾

樂天詩聞健偷閑且勤飲

又云園林亦要聞閑置其義猶今人之言聞早也

萬州下巖

并序

萬州之下巖唐末有劉道者定州無極人聞道於雲居膺禪師為開巖第一祖法號道微自鑿石龕曰死便藏龕中不用日時門人奉其命二百年矣遊者題詩不可勝讀莫能起此開巖者

故予作二篇表見之其一用楊子安韻其一用王定國韻

空巖靜發鍾磬響古木倒掛藤蘿昏老杜詩翠木蒼藤日月昏莫

道蒼崖鎖靈骨時將持鉢到諸村言至人隱顯不可測傳燈錄漸源在石霜

覓先師靈骨金剛經曰世尊食時着衣持鉢入舍衛大城乞食

寺古松楠老巖虛塔廟開法華經曰各起塔廟高千由旬僧緣蠶麥

去官數荔支來上句言僧徒趁熟乞食下句言寺有荔支爲官所推漢書昭帝紀詔曰往年災害多今年

蠶麥傷石室無心骨金鋪稱意苔司馬相如長門賦曰擠玉戶以撼金鋪注云以金爲

門之鋪首王介甫詩荷花稱意紅若爲劉道者拽得鼻頭回傳燈錄石鞏禪師傳一日

在廚作務次馬祖問曰作什麼曰牧牛祖曰作麼生牧曰一回入草去便把鼻孔拽來祖曰子真牧牛師便休去山谷借用意謂山

野殘僧不遵軌轍安得道者復生鞭繩之也若爲猶言如何古樂府隔谷歌曰食糧乏盡若爲活

又戲題下巖

往往携家來託宿裙襦參錯佛衣巾未嫌滿院油

頭臭蹋破苔錢最惱人

言兒女子混雜汗此淨坊也莊子曰未解裙襦文選謝靈運詩臨圻

阻參錯東坡記謔公詩滿院秋光濃欲滴老僧倚杖青松側只怪高聲問下鷹瞋余踏破蒼苔色文選沈休文詩賓階綠錢滿客位

紫苔生按崔豹古今注苔蘚一名綠錢

戲題巫山縣用杜子美韻

老杜有巫山題壁詩即此韻所謂臥病巴

東久今年強作歸是也

巴俗深留客吳儂但憶歸直知難共語不是故相

違

老杜詩奉柏深留景類篇曰儂我也吳語東坡樂府曰語音猶自帶吳儂難共語謂夷俗之陋老杜亦有夔州戲作云異俗可

吁怪斯人難並居魯論曰互鄉難與言又按晉書石勒載記勒諱胡尤峻程翥曰向有醉胡乘馬馳入甚阿禦之而不可與語勒笑

曰胡人正自難與言老杜詩杖藜妨躍馬不是故離羣又詩請公臨深莫相違按左傳曰非相違也而相從也○按巫山石刻巴俗

深留客作殊親我吳儂但憶歸但作暫字東縣聞銅臭江陵換袂衣

舊見山谷跋云銅臭

乃退之照壁喜見蠅之意蓋過巫山用銅錢也按巫山江上有二石俗謂之銅錢鐵錢堆蓋與歸州巴東縣相接荆夔自此分界後

漢崔寔傳曰從兄烈入錢五百萬得爲司徒其子鉞曰論者嫌其銅臭江陵卽荆南山谷度至此時已初夏矣潘岳秋興賦曰藉荒

蕝御袷衣注云袷衣無絮也音古洽反

丁寧巫峽雨慎莫暗朝暉

漢書谷永傳注云丁

寧謂再三告示巫峽雨見上注老杜詩久雨巫山暗曉暉請神女
宋玉神女賦曰其始來也躍乎若白月初出屋梁文選日出東南
隅行曰扶桑升朝暉

和王觀復洪駒父謁陳無已長句

王蕃字觀復沂公之裔官閬中時多以書從山谷問學至是自京師來會山谷於荊州洪芻字駒父山谷之甥也無已元符三年冬爲秘書正字

陳君今古焉不學清渭無心映涇濁

魯論子貢曰夫子焉不學而亦

何常師之有涇渭見上注退之詩清溝映汚渠

漢官舊儀重九鼎集賢學士見

一角

上句並見上注意謂無已有前輩典刑足爲士林之重下句言無已人中之瑞世所少有老杜詩集賢學士如堵牆

觀我落筆中書堂北史文苑傳序曰學者如牛毛成者如麟角春秋感精符曰麟一角明海內共一主也○史記毛先生一行使趙

重於九鼎大呂

王侯文采似於菟洪甥人間汗血駒

並見上注相

將問道城南隅無屋正借舡官居

老杜詩仙老暫相將莊子黃帝見廣成子

曰敢問至道之精南史張融傳武帝問融住在何處答曰陸處无屋舟居無水後融從兄緒言融未有居止權索小舡方岸上住帝

大笑漢書地理志京兆有舡司空注曰本主舡之官有書萬卷

繞四壁樵蘇不爨談至夕

文選應休璉書曰幸有袁生時步玉趾樵蘇不爨清談而已談

至夕見上

主人自是文章伯鄰里頗怪有此客

老杜詩海

談至暮注

內文章伯湖邊意緒多晉書謝安傳桓溫問左右頗嘗見我有如此之客不

食貧各仕天一方

佳人可思不可忘

詩曰三歲食貧選詩曰各在天一方按漢書西域傳烏孫公主歌曰吾家嫁我今天

一方世說謝太傅云安北見之乃不使人厭然出戶去不復使人思此反而用之詩曰有匪君子終不可諼今注云諼忘也河

從天來砥柱立愛莫助之涕淋浪

言無已獨立於顛波之間惜其不能助之

也王介甫詩老工取河天上落砥柱見上注烝民詩曰人亦有言德輶如毛民鮮克舉之我儀圖之維仲山甫舉之愛莫助之楚詞曰擊茹蕙以掩涕兮霜余襟之浪浪嵇叔夜琴賦曰紛淋浪以流離○漢張騫尋河源與銀河相連屬故曰河從天來

以古銅壺送王觀復

隨俗易汨沒從公常糾紛

子虛賦曰交錯糾紛

我觀王隆化入

猶不改薰

隆化隸南平軍左傳曰一薰一蕕十年尚猶有臭注云薰香草舊臭草此引用言觀復不為從俗及作吏

移未見蛇起陸已看豹成文

陰符經曰天發殺機龍蛇起陸豹成文見上注

愛

君古人風古壺投贈君

魏志毛玠傳太祖以素屏風素馮几賜玠曰君有古人之風故賜君

古人酌酒時在旁可用弭楚氛楚氛喻俗惡之氣左傳曰楚氛甚惡周禮小祝弭災

兵注云弭讀曰救救安也按弭與彌同問君何以報直諒與多聞文選四愁詩曰美人

贈我金錯刀何以報之英瓊瑤魯論曰益者三友友直友諒友多聞

病起荆江亭卽事十首

翰墨場中老伏波選詩云粲粲翰墨場後漢劉尚擊五溪蠻伏波將軍馬援年六十二據鞍顧盼以示

可用樂天詩曰政事堂中真宰相制科場裏舊將軍○柳子厚獻弘農公詩鋒搖翰墨場菩提坊裏病維

摩華嚴經佛在菩提道場始成正覺涅槃經云造僧坊招提則生不動國維摩經曰毗耶離城中有長首名維摩詰其以方便現

身有病兩句近人積水無鷗鷺時有歸牛浮鼻過文選皆山谷自道

魏都賦曰回淵濯積水深老杜詩年衰鷗鷺羣北夢瑣言陳詠詩曰隔岸水牛浮鼻渡傍溪沙鳥點頭行此本陋句一經妙手神彩

頓異山谷此句當有所指或云運判陳舉頗以爲憾其後遂有宜州之行

維摩老子五十七山谷生於慶曆五年乙酉逮建中靖國元年辛巳五十有七大聖天

子初元年是歲正月徽考初改元建中靖國宋庠紀年通譜於漢文帝後元元年注曰班固追書後字以別初元老

杜詩云扈蹕上元初亦謂肅宗之初元年也退之送李端公序云天子大聖傳聞有意用幽仄

山谷詩集注 卷十四 八 中華書局聚